



Olga P. Berthelsen
Inuit Ataqtigiit

§ 37 toqqammavialugu apeqqutinut nr. 296-nut akissuteqaatit

11-01-2013
Sags nr. SJ-STD-KAOL
Dok. nr. 1105085

Postboks 1029
3900 Nuuk
Tlf: +299 34 50 00
Fax +299 32 20 73
Email: iin@nanoq.gl
www.nanoq.gl

Asasara Olga P. Berthelsen

Naalakkersuisut sinnerlugit qujassuteqarfigaakkit, kalaallit ilinniagaqartut nunatsinnut uternerminni meeqqerivinniititaqarnissamut tunngatillugu inissisimasarnerisa apeqquteqaatigisimasatit pillugit.

1. *Nunatsinniit Qallunaat Nunaannut ilinniagaqarniarlutik aallartartut Nunatsinnut uternerini, meeqqerivinni meeraasa inissaqartinneqarsinnaaneri qulakkeersinnaajumallugit Naalakkersuisut qanoq suliniuteqarpat?*

Akissut: Ulloq manna tikillugu kikkulluunniit meeqqaminnik meeqqerivinni inissaqartitsisinaanissaat siunertaralugu qulakkeerinnissimasarsinaanissaat aqqissuussamik aalajangersaaffigineqarsimanngilaq. (Tamatumunnga tunngatillugu innersuussutigineqassaaq UPA 2012/143-mut tunngatillugu Naalakkersuisut akissuteqaatigisimasaat). Meeqqat atuarfii tikillugit meeqqerivinnut sanaartornissamut ingerlanneqarnerannullu apeqqut kommunit tamakkiisumik akisussaaffigivaat, apeqqullu pillugu Naalakkersuisut pilersaaruteqanngillat tamakkunna aalajangersakkat allanngortinneqarsinnaanerat siunertaralugu, tamakkumi kommunit Namminersorlutillu Oqartussat akornanni nammaqatigiinnissamut isumaqatigiissutaani aalajangersaavigineqareersimmata. Naak Naalakkersuisut tunngaviatigut aqqutissiuusseqataaffigerusukkaluaraat, meeqqat sumi najugaqarnerat ilaqtariissuttigut il.il. inissisimanerat apeqqutaatinnagu ulluinnarni paaqqinnittarfinni inissaqartinniarneqartuartariaqartut, Naalakkersuisut pilersaarutiginngilaat innuttaasut akornanni inuit aalajangersimasumik inissisimasut immikkut salliutinneqartalernissaat aqqutissiuutissallugit.

2. *Qallunaat Nunaanni ilinniartuutitta Nunatsinnut uternermini meeraasa, meeqqerivinni inissaqarsinnaanissaat qulakkeerneqassappat, inatsisitigut allannguinnissat suut pisariaqartinneqarpat?*

Akissut: Kalaallit ilinniagaqarsimasut nunatsinnut angerlernerannut tunngatillugu arlaatigut meeqqaminnik meeqqerivinni pinngitsooratik inissaqartinneqartarnissaat eqqarsaatigalugit pineqartut meeraasa allanut sanilliullugit salliutinneqartarnissaat aqutissiuunniarneqassappat, taava tulleriaarinnittarnermut tunngatillugu Meeqqanut sulii atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaani nr. 16, 3. december 2012-meersumi § 9-mi aalajangersakkat allanngortinneqartariaqassapput. Maannakkut Naalakkersuisut pilersaaruteqanngillat tulleriaarinnittitsisarnermut tunngatillugu aalajangersakkanik allannguisitsinissaminnik.

Inussiarnersumik inuulluaqqusillunga



Palle Christiansen